

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Aliqvot // [Aliquot] Epistolæ Reverendi // Patris Piæ
Memoriæ D. // Martini Lutheri quibusdam Theologis // ad
Augustana comitia Anno 1530 scri//ptæ**

Luther, Martin

[S.l.], 1549

VD16 L 3724

Doct. Mart. Luth. Iusto Ionaæ.

urn:nbn:de:bsz:31-61767

extra pacem trudit. Wir sollen Menschen
vnd nicht Gott sein/das ist die summa/
Es wirdt doch nicht anders / odder ist
ewige vnruhe vnnnd hertzenleid vnser
lohn. Vale in Christo. Vltimo Iunij.

DOCT. MART. LVTH.

Iusto Ionæ.

GRatiam & pacem in Christo. Ego quidem
hic mi Iona, sedeo pro uobis cogitans, & so- 15.
licite suspirans, causam nostram processisse
iamdudum ad Epitafin, sperans simul ad catastro-
phen meliorem spectare, Modo ne deficient animi Nota.
nostri, quo illi magis superbiant. Credo enim sic
eos opimari fortiter, uos fratres omnia cessuros es-
se, modo illi per Cæsarem quid iusserint aut pro-
posuerint. Cæsarem enim ipsum nihil agere, sed
ferri & agitari, quis non uidet. Quod si fortes
steteritis nihil cedendo, cogetis eos alia cogitare.
Urgeamus & hoc ut restituant nobis Leonhar-
dum Keyser/ & alios iniquissime occisos, resti-
tuant tot animas impia doctrina perditas, restitua-
nt tot facultates fallacibus indulgentijs & alijs
fraudibus exhaustas, restituant gloriam DEI tot
blasphemijs uiolatam, restituant puritatem Eccle-
siasticam in personis & moribus tam fœde
C 2 conspirca-

Iam meli-
or ordo
concilia-
tionum
in uentus
est, pri-
mum ri-
tus anti-
christi ac-
cipimus
postea
doctrinā
abijcie-
mus.

conspurcatam, & quis omnia enumeraret? Tum
agenus & nos de possessorio. Tamen mire pla-
cuit, Sic eos diuino nutu insanire cepisse ut hoc ar-
gumentum non pudeat eos proferre. Is qui sic eos
exercet & confundit ut ista turpia et absurda pro-
pulchris & firmis habeant, perget magis. Sunt
hæc auspicia & initia manus diuinae nobis opitula-
ri uolentis, sic me solor.

Sed iam dudum alia habetis consilia & hæc
iam uetera sunt. Ipse Dominus Iesus salus & uita
nostra, amor & fiducia nostra sit uobiscum, sicut
spero. Amen. Ex Eremito Anno. 1530. die Mar-
garethe.

Ex his R. P. D. Martini Lutheri, pie me-
moriæ Epistolis facile potes intelligere; pie le-
ctor: que fuerit eius sententia de istis Christi cum
Belial conciliationibus, ut execreris & ipsas conci-
liationes & earum authores, qui cæteris peccatis
etiam hoc accumulant, ut ausint ipsius Sancti pa-
tris Marti. Luth. scriptis istas Christianæ religionis
corruptelas tueri. Sed de hac tota re fortassis aliâs
prolixius, iam tantum de unico articulo dicam.

Aiunt quidam pacificatores (multi enim sunt
et uarij) Christi et Belial, seu potius Ecclesiæ Chri-
sti turbatores Doctorem Martinum concessisse ex-
tremam unctionem in sua confessione. Anno domi-
ni. 1535. edita. Quod an uerum sit tuiipse iudica,
primum

primum dicit si unctio in usum adhiberetur, sicuti Apostoli adhibuerunt, se facile eam passurum. Recte id. Apostoli & alij uiri sancti in primitiua Ecclesia, qui habuerunt dona sanationum inunxerunt aegrotantes & orarunt super eos, & ita eos sanarunt, quod ex Marci. 6. & Iacobi 5. apparet. Iam uero papista & interimista cum non habeant dona sanationum (excepto Islebio, qui dixit, quod si unctio restitueretur, etiam dona sanationum restituentur, seq; iam ex quo Augusta reuersus sit quatuor ex morte in uitam reuocasse) faciunt ex unctioe sacramentum, ac praeter alias impietates dicunt prodesse ad aeternam uitam, quod D. Martinus expresse ibidem improbat.

Deinde declarat similitudine, quomodo unctio haberi posset, ita nempe, Sicuti si pro Missis mortuorum pia concio de aeterna uita & resurrectione substitueretur, id est, pium ac plane diuersum opus pro illo impio. Qui igitur impiam papistarum actionem in piam transformat, ille papisticam unctioem meo iudicio non concedit. Postremo ipse declarat qualem actionem pro papistica unctioe substitui posse dicat, possunt, inquit, conuenire pij homines ad aegrotum & pro ipso orare, ac etiam in super, si libet, cum ungere. Recte sane possunt & alia medicamina exhibere. Atq; utinam id fieret, ut, cum uel unctioes, uel potiones, uel alia

Non ita
Philippi
faret
Πα 7α
ἐλφισα.

medicamina exhibentur, simul etiam oratio adhiberetur. Verum plurimum interest inter id quod fieri potest, & quod in religionem uertitur. Possunt enim (ut dictum est) etiam alia medicamina eodem modo cum oratione exhiberi, sed nefas fuerit dicere esse sacramenta, aut quoquo modo ad religionem pertinere. Sed quia in confessione breuiter tantum attingit rem, quare uide in captiuitate Babilonica prolixius. Hinc igitur apparet malos homines sycophantice D. Martini testimonio abuti, qui quam fuerit insensus conciliationibus istis & papisticis abominationibus, cum istae Epistolae, tum uero etiam tota eius uita & doctrina testantur. Qui si iam uiueret nae ille Paulo durius istos pacificatores exciperet, quia nunc longe plus peccant quam tunc. Sed quid multis? Vnicum illud satis est contra istos religionis deprauatores, quod ad D. Martini auctoritatem attinet, quod nullam penitus mentionem conciliationis audire uoluit, nisi prius papistae discrete totam doctrinam conderent & suos errores damnarent. Nam iam cum papistae furenter nostram doctrinam damnent eorum ceremonias accipere quid aliud est, quam eorum impietati subscribere? Dominus Iesus custodiat suos, ne se Babilonici scorti immundicie polluant. Amen. Ora pro me
pie Lector.

Epistola